

# Tiada jaminan pelajar2 S'pura diterima belajar di Malaysia—Dr. M.

BH 24 JAN 1976

**M**ENTERI Pelajaran Malaysia, Dr. Mahathir Mohamed menegaskan, pihaknya tidak bersedia memberi jaminan tentang penerimaan pelajar-pelajar Singapura yang hendak melanjutkan pelajaran mereka ke pusat-pusat pengajian tinggi di Malaysia.

Sekatan adalah dikenakan kepada para pelajar yang datang dari lain-lain bandar di Malaysia, "kecuali keadaan membenarkannya."

"Buat masa ini kami lebih mengutamakan para pelajar yang datang dari pekan-pekan di luar bandar," katanya dalam satu pertemuan dengan Berita Harian, kelmarin.

Dr. Mahathir yang memimpin rombongan Malaysia dalam Sidang Majlis Menteri-Menteri Pelajaran Asia Tenggara (SEAMEC), yang dirasmikan semalam berkata demikian bila mengulas mengapa sebilangan pelajar negara ini tidak diterima masuk ke pusat-pusat pengajian tinggi di Malaysia.

Bagaimanapun, dia menjelaskan, pelajar-pelajar Singapura masih dibolehkan membuat permohonan untuk memasuki pusat pengajian tinggi, tetapi permohonan mereka akan dinilai dan hanya diberi tempat jika ada tempat-tempat yang kosong.

Dia berkata, "Kami tidak dapat memberi jaminan kepada para pelajar Singapura, demikian juga jaminan tidak

## SINGAPURA, Jumaat

boleh diberikan kepada pelajar-pelajar Malaysia dari bandar-bandar besar."

Menurutnya, agak ramai juga pelajar Malaysia yang berkecukupan tetapi tidak diterima masuk ke pusat-pusat pengajian tinggi.

Bercakap tentang kira-kira 100 orang pelajar Singapura yang sedang belajar di Institut Teknologi MARA, Menteri Pelajaran Malaysia itu berkata, pelajar-pelajar itu telah melalui proses pemilihan yang serupa dengan proses pemilihan untuk masuk ke universiti-universiti.

Dia menyebut, meskipun sijil MCE dengan GCE mungkin mempunyai taraf yang sama, "tetapi kedua nilainya mempunyai perbezaan".

Dalam pengkhususan ini Malaysia memberikan keutamaan kepada pelajar-pelajar MCE.

Menjawab satu soalan mengapa tidak seorang-

pun pelajar Singapura yang diterima belajar di pusat pengajian tinggi negeri itu, sedang agak ramai bilangan pelajar Malaysia diterima belajar di sini, dia menjelaskan:

"Pada masa ini juga terdapat 6,000 orang pelajar Malaysia di Australia, 2,000 di New Zealand dan 10,000 orang di United Kingdom," katanya dan beliau enggan mengulas lebih lanjut.